

NORMATIVA DE USO DO PROGRAMA MAÑANCEIROS

1. O programa "Mañanceiros" formúlase como un servizo de conciliación para as familias que, por motivos de traballo ou urxentes, non teñen máis remedio que deixar aos fillos a almorzar no colexio. Enténdese polo tanto que non será un servizo de consumo, senón un apoio imprescindible para determinadas familias.
2. A partir do curso 2012-2013 a ANPA organizará o programa "Mañanceiros". A ANPA xestionará o comedor de forma autónoma, pero tendo en conta que é un servizo complementario integrado no Centro e, polo tanto, subordinado ós intereses da comunidade educativa. Todas as cuestións relativas ao programa "Mañanceiros" que se consideren de importancia serán sometidas á consideración do Consello Escolar, tanto a propia iniciativa como a proposta da Asociación de Nais e Pais de Alumnos.
3. A ANPA contará cunha sala do centro escolar debidamente hixienizada, iluminada e ventilada, dotada de instalación de auga, electricidade e mobiliario axeitado a tal fin. As dependencias, instalacións, utensilios e outro material recibiranse pola ANPA, se fose o caso baixo inventario, responsabilizándose a Asociación do respecto, conservación e bo trato dos mesmos ata a súa entrega unha vez finalizado o curso escolar.
4. Só os alumnos matriculados no Colexio poderán adquirir a condición de usuarios do programa "Mañanceiros", responsabilizase a ANPA da tutela, orde e disciplina dos alumnos usuarios deste servizo. Os escolares que utilicen o servizo deberán cumprir a normativa de réxime interno que opera no Centro, sendo esta a norma de referencia que utilizará a ANPA.

Será motivo de baixa definitiva do servizo o incumprimento normativo do regulamento do centro ou o incumprimento dos deberes dos usuarios coa correspondente indicación do consello escolar.

Os rapaces/as que acudan ao servizo deberán ter a debida autonomía. Nos casos de problemas sanitarios como alerxias, medicación, etc, os pais quedan obrigados a comunicalo á ANPA ou á empresa contratada co informe médico correspondente.

5. O servizo prestarase entre as 7:30 e as 9:00 horas e incluírá a distribución de alimentos xa preparados, a recollida dos utensilios, a limpeza das dependencias, instalacións e material, e a supervisión dos usuarios incluíndo a organización de actividades educativas.

A planificación das actividades deberá incluír a promoción de hábitos hixiénicos e alimentarios saudables e a convivencia e o respecto entre os alumnos. Para este tipo de actividades poderase utilizar despois do almorzo o patio exterior ou o ximnasio do centro, sempre que non interfira coa actividade educativa do centro escolar.

Deberase garantir pola ANPA o orden e a limpeza adecuada da sala, exteriores, ximnasio, etc, e do equipamento necesario ou circundante á zona de comedor.

6. Os menús servidos no programa "Mañanceiros" respectarán en todo caso os principios dunha nutrición equilibrada e variada. Así mesmo, respectaranse as crenzas de tipo relixioso á hora da asignación de menús aos escolares.

7. A ANPA, ou quen a Asociación determine, terá conta da debida seguridade nos accesos ao recinto, seguindo as indicacións do equipo directivo.
8. Nos procedementos de alta, baixa, modificación, pagos, etc, establécese como válido o publicado en cada momento a ese respecto na web da ANPA.
9. A ANPA queda autorizada a contratar o servizo nas condicións anteriormente mencionadas a unha empresa especializada que cumpra coa lexislación vixente e dispoña dun seguro de responsabilidade civil que cubra, entre outros, os posibles riscos persoais e laborais (intoxicacións, accidentes, etc.) que puidesen ocorrer na prestación do servizo.

A empresa Alicerce eventos S.L. será a encargada inicialmente do servizo e indicará á ANPA as medidas oportunas en orde a garantir as cuestións sanitarias, nutricionais e laborais.

10. Dereitos e obrigas dos usuarios:

Son dereitos dos usuarios/as do programa "Mañanceiros" e de quen teña a súa patria potestade os seguintes:

- a. O acceso ao servizo e á información sen discriminación por razón de nacemento, raza, sexo, relixión, opinión ou calquera outra condición ou circunstancia persoal ou social, incluídas as discapacidades físicas, psíquicas e sensoriais.
- b. Á consideración debida á dignidade da persoa, tanto por parte dos monitores/as e persoal do servizo, como dos demais usuarios/as.
- c. Ao secreto profesional sobre os datos da súa historia persoal, sanitaria, socioeconómica e familiar.
- d. Á intimidade persoal, tendo en conta as condicións de funcionamento do servizo.
- e. Á asistencia individualizada de acordo coas súas necesidades individuais.
- f. Á baixa no servizo por vontade propia.
- g. Á ser informados de maneira comprensible das medidas adoptadas respecto deles e de canto afecte á súa propia educación.
- h. A ser educados na tolerancia, na convivencia democrática e en valores de igualdade.
- i. A ser educados en hábitos alimenticios sans e nas normas básicas de hixiene e comportamento na mesa.

Son deberes dos usuarios/as do programa "Mañanceiros" e das persoas que ostentan a patria potestade:

- a. Cumprir as normas recollidas no presente documento e a normativa de réxime interior do centro escolar.
- b. Comunicarlles por escrito aos representantes da ANPA ou á empresa contratada as variacións relativas a novas situacións consideradas respecto aos nenos/as.
- c. Manter unha conduta inspirada na tolerancia, na colaboración e no respecto mutuo aos usuarios/as e aos monitores/as.